

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0057712 24  
Zenica, 04.03.2025. godine

**OPĆINSKOM SUDU U VISOKOM**  
-Sudiji za prethodno saslušanje-  
**VISOKO**

Na osnovu člana 45. stav 2. tačke i) u vezi sa članom 241. Zakona o krivičnom postupku F BiH, p o d i ž e m

**O P T U Ź N I C U**

Protiv:

- 1. B. N.**, neosuđivan,
- 2. A. S.**, neosuđivana,
- 3. A. H.**, neosuđivan,

*Što su:*

**I B. N., A. S. i A. H.,**

u vremenskom periodu od 24.01.2023. do 25.01.2023. godine, na području grada V., B. N. i A. S., zajednički, s ciljem da od osiguravatelja E. osiguranje d.d. S. naplate osigurninu, oštetili stvar koja je osigurana protiv oštećenja i zatim prijavili štetu, a A. H. umišljajno pomogao B. N. i A. S. u učinjenju krivičnog djela,

na način da su prema prethodnom dogovoru a pod tačno neutvrđenim okolnostima ali svakako od ranije, B. N. i A. S. oštetili vozilo marke „Audi A3“ registarskih oznaka [REDACTED], koje vozilo su potom sa već postojećom štetom dovezli u mjesto H./G. na području grada V., tačnije na dio glavnog puta na relaciji K. – V., nakon čega su sa A. H. fingirali/simulirali saobraćajnu nezgodu, tako što su automobil „Audi A3“ koji je već od ranije imao oštećenja na prednjem lijevom dijelu (far, branik i blatobran) i duž čitave svoje lijeve strane doveli u kontakt sa automobilom A. H. marke „Mercedes Benz 190“ registarskih oznaka [REDACTED], nakon čega su popunili Izvještaj o nezgodi od 24.10.2023. godine u kojem su evidentirali da je vozilom „Audi A3“ upravljala A. S., a vozilom „Mercedes Benz 190“ A. H., koji je i prihvatio odgovornost za ovu fingiranu/simuliranu nezgodu, pa je tako umišljajno pomogao B. N. i A. S. u učinjenju krivičnog djela stavljanjem na raspolaganje sredstava za učinjenje krivičnog djela, odnosno svog vozila „Mercedes Benz 190“ i svjesnim

prihvatanjem odgovornosti za saobraćajnu nezgodu koja se uopće nije ni dogodila na prikazanom mjestu i na prikazani način, a što je i htio,

da bi dana 25.01.2023.

godine B. N. i A. S. popunili standardiziranu „Prijavu i zahtjev za naknadu štete – Automobilska odgovornost (10/51, 55, 61)“ kod E. osiguranja d.d. protokolisanu pod brojem: ██████████, i tako prijavili štetu, a sve s ciljem da od navedenog osiguravatelja naplate osiguraninu i pribave proutpravnu imovinsku korist, iako su znali i bili svjesni da se saobraćajna nezgoda uopće nije ni dogodila na prikazanom mjestu i na prikazani način i da nastala šteta uopće ne proizlazi iz prijavljene nezgode,

na koji opisani način su B. N. i A. S. najprije oštetili stvar koja je osigurana protiv oštećenja pa zatim prijavili štetu koja se nije dogodila na prikazanom mjestu i na prikazani način, što su i htjeli, dok je A. H. umišljajno pomogao B. N. i A. S. u učinjenju krivičnog djela, što je također htio,

## **II A. H., sam**

dana 01.02.2024. godine oko 09,30 sati, u V., u zgradi Općinskog suda, u sudskom, tačnije parničnom postupku, vođenim pod brojem: ██████████, a povodom spora zbog naknade štete po tužbi tužitelja B. N. protiv tuženog “E. osiguranje” d.d. S., u svojstvu svjedoka dao lažni iskaz, na način da je prilikom saslušanja, unatoč jasnim upozorenjima datim od strane postupajućeg sudije u vezi sa dužnostima svjedoka, koje su podrazumijevale da je dužan govoriti istinu i da ne smije ništa prešutjeti, te da se upozorava o posljedicama davanja lažnog iskaza, izjavio da je u mjestu H. dana 24.01.2023. godine došlo do saobraćajne nezgode u kojoj su učestvovali on sa svojim vozilom i u tom trenutku njemu nepoznata ženska osoba sa svojim vozilom, što je i konstatovano na stranici 2. – 3. Zapisnika o glavnoj raspravi, iako je znao i bio svjestan da se saobraćajna nezgoda uopće nije dogodila na prikazanom mjestu i na prikazani način, te da je on lično umišljajno pomogao B. N. i A. S. u učinjenju krivičnog djela na način opisan pod tačkom I, na koji opisani način je lažno svjedočio prilikom utvrđivanja bitnih činjenica u postupku pred sudom, što je i htio,

čime su,

B.N. i A.S. pod tačkom I) počinili krivično djelo “Zloupotreba osiguranja” iz člana 302. stav 1. u vezi sa članom 31. KZ F BiH, a A.H. počinio krivično djelo “Zloupotreba osiguranja” iz člana 302. stav 1. u vezi sa članom 33. KZ F BiH (tačka I) u sticaju sa krivičnim djelom “Davanje lažnog iskaza” iz člana 348. stav 1. KZ F BiH (tačka II), sve u vezi sa članom 54. KZ F BiH.